



越中三子詩目錄

抱影廬

書陶詩後呈王弇山先生

秋江聞笛懷丁丈芝田次見寄原韻

野梅

種菜

竹枝詞 二首

棲鳧山館

水灾行





爲胡大亦堂題傅鷗犁扇上畫蟹并送秋試  
孤山謁林處士和又春韻

伍相廟和又春韻

行若耶溪

聞雁

聞子規

結廬

平水

爲沈揆畫小景題後

題松筠草堂呈陳丈少亭

二首

南門喚渡

琵琶山與吳芳甸話別

歲暮留月泉飲抱影廬

子夜歌

二首

題許槩子先生酒狂小照

酬杜補堂使君

歲暮感懷

獨步至秦望山麓拾白石劃字崖壁聞爲他



日卜居左券

述哀歌 四首

寄沈梅史徵君

畫梅引贈劉鳳岡

寄茶山叔

宿西興驛懷家北嶽兄

燕

鷺

蟬

蟻

螢

雁

宿榆林

採蓮曲

上堂歌

趙古餘邀同葭墅飲課花居

夜歸棲鳧

山雞



書答鈕大積峯札後

初霽

重過白馬巖居寄家叔茶山芳茨

閨怨

訪傅二鴻鄉

春日雜感和周二初庵原韻

秋日雜感寄周二初庵

辛未三日鄭雲叟偕任處泉太史遊龍山雲  
叟手刻隸書身到蓬萊四字於石壁歌以

誌之

同徐二定卜避暑西林

壽還嬰老人

二首

石壁精舍尋謝靈運讀書處

重遊石壁精舍用謝康樂登池上樓韻

玉泉山房雜詩

哭趙古餘

六首

晚泊湖頭

春暮題抱影廬壁



歲暮歸舟

月下聞琴懷琴巖

地僻

送燕

贈蟬

冬夜與鈕積峯話舊

春日雜興

二首

省試後寄傅補堂

過朱相國舊莊

寄素含襄雲二弟

同沈琴水亭夜坐

過朱五湘雨舊遊處

懷茶山叔

行路難

獨漉篇

長歌行

蘭亭道中

風雨夜喜沈生榷歸齋



古意 二首

弔劉蕺山先生

虛堂

清明前一日有感

初冬同章四巖旃夜坐滄雲山房

讀漂母傳

十六夜對月懷茅六商隱劉三鳳岡董九兼

才沈四西邨朱五湘雨

春晚同陳丈少亭泛舟南湖

秋草和莫雲字

友人徐春山和秋草詩甚佳復邀諸同人及

茶山家叔同作 八首

沈生榷作秋草詩索我再詠依韻和之 二首

晚望有懷家蔬莊兄

舟次南湖

曉行

月下望南山

題徐鳧村小照



冬曉寄趙四芄若

三江篇爲陸氏作

雨中曉起

憶家兄客西湖

訪沈四西村不值感成

懷茶山叔

雪霽懷韻樓寄莫二雲字兼示沈生

題八瓊樓詩集後

寒日舍弟至

杜使君捐俸爲二親營葬詩以誌感

先塋事竣親友爲太守立石表德附書碑陰  
二首

華屋

稽山九老圖歌

同月泉又春錢江觀潮

春愁

寄金雙也

送鳳岡遊楚



長夏江村

犬

曉行

客夜

謝姚二嵐坡贈筆

題王古艸先生梅花塚集後

深竹軒晚坐懷王芝亭先生

同沈於竹魯堂昆季飲少亭陳丈草堂

春行寄初庵

越中三子詩

會稽童 鈺璞巖

諸暨郭 毓又春 選

書陶詩後呈王弇山先生

陶潛本達者好道勤典墳非不求甚解解後徒紛  
紛折腰謝官長解組如避焚有家且可歸何妨遠  
塵氛逃名入蓮社卓爾殊不羣寄趣杯中物聊博  
今夕醺依依樂情話情至言自溫秋山翳餘景風  
水渙奇文閒時輒開卷未讀顏已欣讀罷不敢和



清風挹蘭芬。

質而多姿淡而實  
腴直造微君妙境

秋江聞笛懷丁丈芝田次見寄元韻

涼雨暮蟬息青林一片秋何人歌水調蕭颯滿中

流有遠韻新月忽墮地夕陽明遠樓渺然千里外清怨激

沙鷗

閒澹似司空表聖

野梅

野梅清過我冷澹不宜人汝豈長邱壑吾甘共隱

淪竹橋連徑雪茆店一籬春記得深宵夢依依隔

水濱

種菜

積雨勒春寒庭花暝餘態臥聞布穀聲凌晨自鋤  
菜帶笠出荒園叢叢半蕭艾小塿理荒蕪生意春  
陰內手足非不勞食貧良自愛但囑東風力吹長  
逾百卉挑之當肥甘朝餐二人在

韋柳  
之間

竹枝詞

越中三子詩



獨活草邊雙蝶栖。相思樹上孤禽啼。兩溪只合一條水。郎住南溪儂北溪。

樓頭百種春鳥鳴。紅杏碧桃相向生。可笑東風太狡獪。前街落雨後街晴。

入花間集中  
幾無分別

### 棲鳧山館

不作市塵面長依田舍主人具。鮭菜邀我醉鶯花。水閣霽春雨山風吹落霞。滄浪歌正好一上釣魚查。

甲子秋初風潮大作吾郡傍海諸邑多被其灾客有自江南歸者話淮揚顛沛之狀較慘因作水灾行

甲子夏寒風颼颼漫天一雨連三秋。河伯狂喜海童鬪萬落千村皆倒流。我聞江南最慘酷民無廬舍矧田疇老稚雞豚葬魚腹夜半鬼哭聲啾啾。或挈釜甌逃山隅編蘆覆蓆延須臾。大風吹雨捲蓆去。爨煙冷斷衣裳濡骨肉相持互相泣。不死波濤死邱墟。壯者襁負乞四方喉乾脚腫心痛傷斗米。



百錢鬻妻女不供十日饜糟糠况復年來遭疫癘  
菜色饑民死相繼空城不聞啼哭聲平原裸葬無  
餘地。鬻體如柴聚相語撲月陰風攫殘黍風流豪  
客開華宴銀燈雨暈迷嬌面孟嘗門多雞狗客詼  
諧雜坐歡相見日食萬錢苦不足庖人痕面臀無  
肉清宵阿閣妙妓歌白晝官街新鬼哭布衣多幸  
逢。聖明明日開倉活窮獨。

繁絃促節可泣鬼神  
詩至此乃非泛作

爲胡大亦堂題傅鷗犁扇上畫蟹并送秋試

澄波瑟瑟蘆花饒草泥郭索承緯蕭六跪八跪種  
種別大者撥棹小招潮我亦爾雅讀不熟誤認螭  
螭傷口腹亦堂主人吏部儔日日持螯苦不足手  
攜便面頰鷗犁奮拳畫就同兒嬉自云漱老遺謔  
墨塗來直欲爭雄雌摩挲忽憶考工記仄行外骨  
都勞誌何如扇上寫尖團蹶跚長作橫行勢置身  
懷袖良足誇輸芒正值秋風賒明朝會看乘潮去  
不學鯨魚困法於

長

公 亦山 林 士 春 題



孤山謁林處士和又春韻

只在水之濱。超然迴絕塵。我來尋舊跡。梅樹是前身。  
身芝草。王門客。桃花。世外人。何如鶴一隻。長伴宋遺民。  
起語超五六精麗論更警闢  
伍相廟和又春韻。同景。自云。始去。數。請。伍相祠堂在鬢眉。自古今極憐家國恨。不敵寇讐心。鼓角東西隔江濤。日夜深。吳山畱一片松檜尚陰陰。

行若耶溪

一百五日花正妍。三十六溪清。可憐午風乍急。燕歸屋春流。亂落魚上田。幸不自縛看山脚。且可高聳吟詩肩。明朝歸去學閉戶。曉牕還抱鶯聲眠。

氣雄筆健盤折  
灑紆拘而彌永

聞雁

可堪今夕雁飄蕩。尚沙洲萬感。此時雨一聲。何處秋平分。兄弟恨都作稻梁謀。昨得衡陽信。悽悽憶舊遊。



聞子規

他鄉獨閉門。孤燭度黃昏。夜雨忽無賴。春風正斷魂。  
何殊浪仙 魂夢歸寒食。節人遠落花村。遙想蠶叢路。悲來不

可論

結廬

結廬傍深林。蕭疎似幽谷。歡然諷新詩。往往刻脩竹。  
無人賞清音。風雨字俱綠。

較司空圖玉壺買春賞雨茅屋數語更勝

平水

未曾五里已。千溪兩岸青山曲。作堤不見人家。惟見竹空中。何處一聲雞。

寫出山靜日長一種清寂境界筆力復十分圓勁

為沈槿畫小景題後

釣罷不知歸。煮魚倒春甕。側臥短篷中。溪雲暖清夢。

奇暖字

題松筠草堂呈陳丈少亭

活竹編籬晝掩關。柳陰堂下水潺潺。等閒身坐王



維。畫。牆。角。青。懸。一。桁。山。

閉門覓句夜初分紅燭書殘白練帟自起開牕延

月色一池山影皺波紋

可作草堂圖

### 南門喚渡

落日聲歸谷口樵片霞吹影動山椒打包喚渡西  
風外黃葉寒蟬舊板橋

### 琵琶山與吳芳甸話別

山歌村笛雜嘔啞開盡東風樹樹花醉後江亭還

### 送客一灣春水響琵琶

巧合不纖

### 歲暮留月泉飲抱影廬

此生得幾醉顏酡節序催人奈晚何心上求羊來  
不易口邊管鮑說還多寒汀古樹飄殘雪落日陰  
風撼大河真好壚頭沽酒去茫茫暝色入悲歌

讀口邊管鮑句勝寫絕交書十通

### 子夜歌

養蠶夜三起辛苦不敢辭裁衣上郎身中有千萬



絲。音書半不達。孤帆無定程。秋風復秋雨。并向妾心  
生。

真古  
樂府

題許棨子先生酒狂小照

唐許碯詩醉翻王母碧霞觴謫向  
人間作酒狂先生因寫作小照

醉鄉天地如兜宇。醉侯舊得李謫仙。酒腸近入滄  
海大。以花釀酒素洛顛。謫仙醉後騎鯨去。落珮倒  
冠無著處。千年重見高陽徒。一壺暫借翁洲住。天

地為廬風作車策勳。但有詩與書興到探玄狂叫  
發氣吞雲夢非臞儒。陳遵投轄出豪興。孔璋草檄  
筆愈勁。直教陳孔一身兼。磊落軒昂誰與競。青白  
眼錦繡腸醇醪入口發古香。五經三雅不足數。千  
鐘百觚那可量。聞翁早歲多豪狀。輕財任俠還疎  
放。縱橫劍術雄萬夫。三十成文抵卿相。初入長安  
俠少家。吳姬壓酒艷如花。黃金白璧邀不至。銀筭  
檀板喧銅琶。手中但持銀不落。俯觀塵海都忘却。  
閒拈花片記觥籌。尋常失數添杯酌。搖頭不作梁



甫吟旗亭畫壁兼題襟四座環視盡咋舌一字直  
可輕千金白頭今已老鄉里行無所之坐無倚不  
是杜康孰解憂浮萍擾攘將胡底飲酣下筆聲隆  
隆始徵麴蘖良有功一斗醉時石亦醉玉山斜映  
真珠紅須臾斟取方壺水鷓鴣杓中重漉起一醒  
一醉若循環濁賢清聖長如此時人好飲何紛紜  
三蕉葉小安足云此道由來有妙理凡骨那許通  
亭津當年東海羣仙奇神儵說恢譎無方下澗翁搖轡曾先駕勾章嶽  
嶽西風雄白榆歷歷靈光瀉羣仙引拂笙鶴來翁

時跨鹿下瑤臺風簫冷徹北斗灰斑龍白虎相徘徊  
徊轉頭夢覺丹砂熟鳧舄歸從鏡湖曲醉鄉元接  
大蓬萊縱有黃庭不須讀先生去年花甲週髮纔  
半白心日休獨無公田可種秫五梁鶴髓天爲畱  
自出浮山仙歷深玉輪軋露銀河沉琅玕忽聽玲  
瓏音一聲驚起雙鸞吟芙蓉池上秋風早青鳥無  
言天窅窅翠光濃入秋水寒黛痕青抹春山老丈  
夫不遇眉不舒那能終日作蠹魚何如一杯長獨  
進莫論身後名何如猛吞淺吸乾涓滴醅醕直使



無人匹太玄。自是覆瓿資。離騷乃爲下。酒物願翁  
日飲一百杯。百日小飲盈萬壘。從今大飲三千載。  
酒波喧沸如奔雷。坐看桑田變滄海。糟邱酒池長  
不改去者何人來。來者誰古人不見。今人在僕亦疎  
狂類步兵放顛。只愛酒杯擎。願取酒泉封萬戶。終  
朝輒飽娛浮生。何時拍手招仙客。碧毫一振臨風  
翻乞借鞭箠。作醉龍學。舖糟醜。慰詩癖。清歌一曲  
思靈筌。金庭玉笥相勾連。欲往從之却遷延。綠毛  
有人耕紫烟。低徊熟視翁欲前。但愁弄酒黃鳥還。

宿淵不如坐把玉。船喚青蓮。桃花萬頃。飄芝田。

磊落奔放中低昂作態極似任華贈李杜二公之作

酬杜補堂使君

不是真知己。誰能念草廬。交深形迹外。泪落笑談  
餘。已愛林逋逸。兼容魏野疎。金龜解不足。握手重  
踟躕。

歲暮感懷

寒色歸荒途。繁霜穿敗瓦。喧喧城市中。寂寞同曠  
野。夙昔慕達人。置身頗瀟灑。如何饑寒侵。偶值不



暫捨起作病婦吟悲歌和偏寡歌罷長太息念我同心者恐傷地下人有淚不敢下

酸屑處隱寓曠達從淵明乞食諸詩脫胎

獨步至秦望山麓拾白石劃字崖壁間爲他

日卜居左券  
獨懷麋鹿意來踐石林盟一徑無人跡千峰落澗聲縛茆何地可種樹幾時成迴首勞塵事空餘高隱情

清峭

### 述哀詩

寒烟啼深竹朝露泣華叢結念在春暉所恨時命窮春風不可再皎皎秋霜濃非不愛甘旨傷哉蒿與蓬

居官悲仲子捧檄喜毛生同此祿養志所殊在死生有祿已弗逮淡語沉痛矧茲憂患攬呼天一搔首日月慘不明

金風吹敝廬白露曉爲霜有懷永不寐惻然心骨傷畱茲春社酒遺以蠶婦筐豈曰悲氣序手澤不



可忘

我行秋水湄秋水一何深水深不可測日落含哀  
音昔時遠行役白雲飛遙岑今來何所見遊子悲  
不禁

寄沈梅史徵君

乍作三都賦傳來八咏樓極憐文字厄未快鬼神  
讐。搖落悲孫楚悽涼識馬周不妨爭欲殺有客正  
低頭

三四梅史之所以窮  
正梅史之所以壽

畫梅引贈劉鳳岡

畫梅妙手誰第一元章雪湖無雄雌生平放逸少  
拘束殘煤秃筆爭淋漓又聞鈎鐵沈刑部揮毫發  
幹稱奇古生綃半幅落人間三百年來誰繼步劉  
君鳳岡澹蕩人畫梅亦復稱入神墨漿一斗飽霜  
出。匣。如。月。停。空。

氣磅礴元章小霞二妙并家法雪湖宛如昨聞君

去年學畫初夢中親見羅浮姝

鳳岡客四明夢入  
以梅花兩枝見贈

寒香素影兩無足清曉園林興不孤昨朝寄我一



幅紙往往。往。圈花帶草字。請君更寫千萬枝。昨夜霜  
多月如水。

寄茶山叔

翼熊

論交得一叔。得句更吾師。泉石真成癖。風流自不  
癡。淡雲梅尉墅。春水柳姑祠。最憶分題處。推蓬雨  
霽時。

宿西興驛懷家北巘兄

百里西興渡。蕭然古驛中。虫聲同夜月。人夢各秋  
風。伯仲嗟飄梗。親朋類轉蓬。阮生別有淚。不是哭

途窮

燕

不緣春雨阻。社日遠相尋。亦有遷喬意。終存蹈海  
心。孤飛環草閣。並語墮花陰。却恐秋風至。飄零歲  
月深。

鷺

楚性無拘束。麤麤好羽毛。已能逃網罟。適意且江  
臯。不用調朱曲。猶堪尚錦袍。向來機事少。鴻雁莫  
相招。



賦  
蟬

身輕宜沈澗。性潔且冠綏。語必畱餘韻。清還借一枝。古槐深院靜。高柳半池垂。莫認齊宮怨。長同蜀帝悲。

賦  
蟻

交錯無留跡。淫淫滿壞堤。藏身三尺土。封穴一丸泥。獨霸城樓淨。分爭壁壘齊。槐安真有國。直得夢中迷。

螢

暗室初無恙。清流照更宜。浮沉深自愛。冷煖幾人知。帶葉同黏草。飄花復上枝。自負語却深有光終不掩。風雨莫相欺。

雁

辛苦三秋雁。艱難萬里征。同行還舊侶。相和有新聲。銀漢休傳警。金川已罷兵。近來梁稻足。莫作鸛

鵝鳴

集中詠物諸作  
得工部神髓

宿榆林

越中三子詩



一醉田家酒黃雞沒骨肥却因豐歲樂倍憶去年  
饑雪重竹聲碎夜寒人語稀忽聞邨犬吠知是釣  
船歸

採蓮曲

田田荷葉凌波起灼灼荷花照湖水戲立船頭擲  
蓮子擲蓮子驚鴛鴦避蘭橈下蒲塘

浦口風迴蕩綠波紅裙齊唱採蓮歌唱歌人少聽  
人多聽人多權難住郎東來妾西去

音節甚古如生簧乍調是中  
晚唐諸人變詩爲詞境界

上堂歌

上堂歌歌積雪酒杯停歌不絕簪珮錯燭屢滅寒  
羅幃低素月月已落主復畱呼紫玉彈箜篌

碎珮叢鈴  
一往悒悒

趙古餘邀同葭墅飲課花居

春色壓花低春愁剪草齊山書消綠蟻午枕就黃  
鸝鼓瑟人如趙彈琴客姓嵇風光易惆悵莫問夕

陽雞

夜歸棲鳧



菴靄湖光外。輕帆帶暝烟。燈明黏蟹。斲網集。罩魚船。雲水閒身健。菰蘆野性便。棹歸歌緩緩。恐攪鷺鷗眠。

山雞

山雞好羽毛。光彩耀巖洞。清晨調玉音。鷺鷥無與共。顧影清溪流。自憐復自重。誰知虞羅羈。遠作貴人供。珍愛日夕俱。粒食分餘俸。飲啄非不佳。樊籠無乃控。舉翮觸四隅。恍似蟻游甕。顧瞻燕雀儔。含悽時一哢。文采終累身。善鳴亦何用。大鵬與鷺鳩。

默。默。徒。自。訟。

書答鈕大積峯

宏札後

青衫拋擲兩年餘。淚溼秋風一紙書。何似湖頭尋舊約。金錢花底買銀魚。

初霽

欲晴不晴天。氣明碧桃飛。盡楊花輕小。牕窻靜日初。午好風吹墮。黃鸝聲。

重過白馬巖居寄家叔茶山芳茨

春風重過舊亭山。色依然。照眼青簾底。阿誰驚。



客至隔花有犬吠金鈴

傷心語何忍多讀覺未雀烏衣猶是他家閒事無關痛楚語也

### 閨怨

憶着別時語。花開是歸期。如何風信過。不肯向花吹。

直起直結啼笑無端已造唐賢三昧

### 訪傅二鴻鄉寶鄰

一朝君不至。童僕便相驚。且喜柴門近。來尋草徑行。薄雲將月出。細雨傍秋生。握手數晨夕。超然世

### 外情

春日雜感。和周二初庵。開稷原韻

春陰漠漠乍飛紅。蠟屐雙隨到處同。桃葉有情常渡水。柳枝無力任欹風。閒愁多在謳吟裏。佳節頻來感慨中。自分只宜邱壑老。何人猶說隱牆東。半生疎懶少朋交。坐愛先人此結茆。竹榻花香新酒壘。芸牕春暖舊書巢。絕憐南郭長耽隱。真覺東方善解嘲。直為王脩初罷社。翻教好事等閒拋。淡中生活與誰論。春晝花開亦閉門。分手故人多

情。至。語。



失意轉頭往事便銷魂。才疎已負明王夢，身賤難酬國士恩。莫向斜陽歌古調，一軒微雨溼黃昏。  
連朝風雨攪林梢，小小閒堂漸補茆。善病何妨同瘦可，苦吟大半類寒郊。金難鑄壽元無益，書不充虛久合拋。漫道生前知己少，狗屠自古好論交。  
蕭瑟涼天雨不禁，飛飛落葉失重陰。河山暝色連霄漢，日夜秋聲變古今。多病倍荒三徑約，長貧已老五湖心。年來領畧騷人意，蟋蟀寒蟬伴苦吟。

初菴深於詩與璞巖倡和最多卽雜感詩各成三十首爭奇取勝殆不減松陵也

辛未三日鄭雲叟偕任處泉太史遊龍山雲叟手刻隸書身到蓬萊四字於石壁歌以誌之

誌之

神山矗立高崒崒，紫貝爲闕珠爲宮。琪花瑤草不可數，飛仙環侍金玉童。越中古號佳山水，臥龍高削芙蓉壘。何年飛下小蓬壺，海國春陰結成市。松風謾謾石氣青青，羊白鹿俱呈形。中有洞天五百里，許誰高陟仙翁庭。古苔翳壁幾千載，玉乳陰森



漏深。鬢獨有稽山鄭布衣。風流老結烟霞彩。招邀  
仙客踏春晴。越望亭前麗日明。霞光嵐氣紛相逐。  
恍然身世浮滄溟。仙宮縹緲杳難卽。別有瓊臺爛  
金碧。露浥丹梯玉宇寒。雲收紫海銀濤白。青藜排  
蕩凌欽。寄層巒。窳磳盤蛟螭。谿瀟鬱神漢。溢漱  
滌沆。漑甘如飴。却笑祖龍身未到。拍手空虛發長  
嘯。太史胷中有九州。布衣眼底無三島。典酣椎鑿  
擘窠書腕指所至。心意俱費鳳朱龜。爭奇絕跟肘  
詰曲相盤紆。終日摩挲嘆觀止。婢見夫人羞欲死。

直令筆力撼蓬萊。隻手輕移三萬里。鄭君胸次何  
瑰奇。千年畱此摩厓碑。任公好事絕相匹。况當勝  
日相追隨。神物還應真宰惜。野火不燒波不泐。鋒  
芒四照光熊熊。萬家同住神仙窟。振衣直上千百  
迴。予猿白鶴忘嫌猜。會當長揖浮邱伯。招手名山  
歸去來。

撇振縱橫涵涌  
然有干霄之興

小同徐二鼎周避暑西林

炎蒸何處避。此地最清幽。嵐氣初含雨。溪聲欲變



秋交將因病息吟豈畏窮休邂逅逢僧話松風爲

小畱

壽還嬰老人

七十還嬰叟多生學道人醉依僧共臥老念弟長

貧看竹風吹面簪花雪滿巾憑他團扇上圖畫葛

天民

當代王摩詰前身陸放翁書窮山大小詩盡讓西

東先生集杜五言襟抱開晴雪鬚眉逼古風仙胎

并佛語一笑劫塵中

詩亦絕類老人集中作

石壁精舍尋謝靈運讀書處

晨興事幽探復茲山水窟振衣百尺巔嘔嶽俯棲

鶻喬木斂春陰細草抽綠髮晴霞媚朝烟青蒼相

映發緬懷永嘉守於此談風月遙遙石壁居千年

枕突兀南徑與東扉遺踪出蕪沒吟聲不可聞高

風去颺忽但聽流泉聲時時激清樾

重遊石壁精舍用謝康樂登池上樓韻

石壁恣幽眺長懷山水音重訪昔人宅一愜來者



心。攜。尊。憇。松。蔭。曳。屐。登。苔。岑。靄。靄。春。雲。動。漠。漠。寒。  
烟。沉。紅。英。綴。芳。翠。碧。嶂。換。晴。陰。微。風。灑。醺。面。飛。瀑。  
滌。塵。襟。芳。嶽。不。可。續。勝。景。誰。與。吟。古。者。日。以。古。今。  
者。日。以。今。夜。猿。嘯。空。谷。羈。鳥。投。深。林。悵。然。進。杯。酒。  
躊。躇。此。蕭。森。

二詩寫得川香水美草石  
開鮮摹謝體乃真似謝

玉泉山房雜詩

結。屋。傍。山。椒。山。氣。高。於。屋。俯。仰。青。蒼。中。烟。雲。往。來。  
熟。相。對。淡。無。言。流。泉。響。深。竹。坐。看。斑。鳩。來。牆。頭。晚。

相逐

古淡可雜  
襄陽集中

哭趙古餘 景甲

兩扇柴扉晝不開。酒痕掩盡舊莓苔。詩成自分無

人賞。誰見花間一酌來。

古餘贈詩好汝新詩如  
好酒花間一酌便陶然

風。風。雨。雨。忽。成。旬。哭。向。山。涯。更。水。濱。座。客。已。還。樽。  
酒。盡。夜。臺。知。已。復。何。人。

一。生。奇。氣。不。消。磨。十。載。文。壇。藝。戰。多。博。得。藍。袍。無。  
分。著。可。憐。衰。經。見。閻。羅。  
君以尊人在  
堂殮用凶服



也。曾。索。酒。到。君。家。醉。挿。殷。紅。蒲。髻。花。記。得。懷。人。相。  
向。哭。隔。燈。微。雨。叫。昏。鴉。文。豈。藝。苑。之。賦。得。盡。賦。興。  
八。字。橋。頭。水。似。鱗。五。雲。城。畔。草。如。茵。無。端。泣。下。烏。  
蓬。底。恰。恰。當。年。打。槳。人。山。到。更。水。窮。風。卷。日。昏。  
又。是。春。風。卸。袂。衣。相。思。無。路。叩。君。扉。家。僮。猶。說。端。  
陽。近。曾。見。先。生。爛。醉。歸。斜。盡。書。詩。卷。荷。花。自。自。飛。  
一。天。風。雨。雜。蒿。萊。冷。落。殘。詩。半。劫。灰。料。得。夜。深。蟲。  
響。絕。淒。清。寒。月。倚。樓。來。

千古詩人未有不敦友誼讀璞巖哭古餘詩及鳳岡哭友人諸作月泉追悼等篇未嘗不掩卷

泣下也

### 晚泊湖頭

年。來。不。得。意。悽。惻。向。江。干。一。鷺。背。人。去。萬。山。倚。棹。  
看。文。章。新。涕。淚。弟。妹。共。饑。寒。漠。漠。斜。陽。下。西。風。獨。  
整。冠。

### 春暮題抱影廬壁

是。處。塵。囂。不。用。逃。一。番。花。信。付。香。醪。吹。殘。柳。絮。風。  
初。暖。飛。到。榆。錢。春。亦。豪。入。世。難。如。尋。馬。角。毀。人。過。  
似。索。牛。毛。醉。闌。獨。倚。吳。鉤。坐。杜。宇。聲。邊。讀。楚。騷。



鑿刻處筆  
如鬼斧

歲暮歸舟

年年作客嘆蹉跎。歲暮頻勞急。樂過十里菰蘆人。  
響遠一蓬風雪。雁聲多。不教諂鬼驅窮鬼。却遣詩  
魔敵睡魔。斗大空廬無恙在。有誰重問舊烟蘿。

月下聞琴懷琴巖

泠泠月初上。隔水奏清商。有客參餘響。悠然夜未  
央。衆流奔絕壑。一雁下空塘。最憶高樓上。橫琴正  
在牀。

地僻

地僻無生客。松涼快熟眠。夕陽催放棹。山雨忽鳴  
蟬。苔長落花渚。魚行廢稻田。昨宵清夢裏。曾上五  
湖船。

送燕

作客終非策。依人亦可羞。自能歸故土。何必戀高  
樓。下去無常日。君行尚及秋。重來如有約。期汝百  
花洲。

贈蟬



竹榻酣涼雨。松陰警晚晴。邈焉長獨處。塔爾共忘  
情。薄髣饒齊氣。高歌有夏聲。年來頻乞食。不及野  
蟬清。

冬夜與鈕積峰話舊

飄如起。忽。一葉。身握手。水之濱。白雪欺殘夜。青燈戀舊  
人。溪山容獨臥。歲月許長貧。相見真難得。休教淚  
溼巾。

青燈戀舊人五字惟  
素心耐交者知之

春日雜興

斜日含烟將下好。山帶雨欲飛。會心處不在遠。得  
意時却忘歸。  
中酒與客共眠看花無人獨往詩吟陶謝之間夢  
做羲皇以上

省試後寄傅補堂

年年只伴篋中蟬。故國閒情總不堪。曾許釋迦分  
半座。誰憐彌勒與同龕。榜花照眼愁初醒。庭草懷  
人夢正酣。愛說君家諸從好。謂鴻鄉幾回沽酒待  
停驂。



過朱相國舊莊

抱城春水匝南塘一角疎籬補壞牆玉蝶金鶯曾  
不異菜花黃徧相公莊

祇是唐人舊宅詩  
意翻得如許新穎

寄素含襄雲二弟

蕭蕭落葉打簾櫳脈脈閒愁對曉風憶向山窓煨  
芋夜萬松晴雪一燈紅

同沈琴水亭夜坐

燈昏江影出坐久流螢止斜月似依人只隔一條

水

過朱五湘雨 大紳 舊遊處

千章雲木蔭清流曾憶溪邊泊釣舟鵝鴨聲喧重  
過此白蘋零亂雨花秋

懷茶山叔

學道真無匹蕭然獨閉關詩將傳藥引 叔近詩人

盡識茶山 宋詩人有 菜把春陰淨藤花日午閒茅

容還有母雞黍一承顏

至性語故  
不在多



行路難

驟雨不終朝，游雲無定質。忽雨復忽雲，恩情轉頭失。千金舊買雙龍劍，匣底雌雄兩相戀。可憐寶鏡嬌菱花，不解照心但照面。妾年二八登君堂，黃金為屋珠為裳。羅幃一夕長荆棘，秋風泣斷芙蓉香。青蟲吐腹絲細草，織歌舞蹈啼痕宛。轉溼羅襦訴盡柔腸，君不語人道行路難。妾道行路易，君心若肯迴。陽春太行之山化平地，願得身為古鳳釵。雲髻如霜不相棄。

古質幽艷可奪張王之席

獨漉篇

獨漉獨漉拙遲巧，速巧則敗輪拙保其輻。懷金市美羞其故，妻出門逐雉失其家。雞養木以土不問田圃，殪猛以弩不問狼虎。草腐而榮澤竭而盈，道有旋轉鬼勿爭能。

是古歌謠皮相者謂似大復空同規撫漢魏人樂府失之遠矣

長歌行

古。峭。種瓜難于植，柳養奴難于畜。狗結交難于娶，妻居



官難于事。母吁嗟乎。人多愁。愁難久。天有情。情終  
朽。不如飲美酒。醉臥空山。獨搔首。

蘭亭道中

逐隊行歌興更狂。永和猶作舊年光。板橋日午黃  
驢慢。茆店春寒白酒香。一代風流歸翰墨。幾人清  
貴擅詞章。共知脩禊真閒事。獨對湖山不忍忘。

板橋一聯可  
補蘭亭遊記

風雨夜喜沈生棹歸齋

我正思歸爾便歸。小牕燈暗倒披衣。倚闌却笑風

前葉何似人生不住飛。

古意

即心如曉雲。風起不可留。臨江囑西風。吹郎轉船  
頭。

儂如春前花。開落幾回視。不願蝶蜂來。空枝抱香  
死。

弔劉蕺山先生

竟抱首陽節。颯然天地秋。可憐文信國。不及武鄉

侯。草莽孤臣淚。先生疏山河處士愁。見吳麟緬懷



採薇子薦藪重低留

虛堂

虛堂萬物靜返照青松中小醉北牕下高歌南澗東  
蟬聲木葉下魚影石泉通坐待山僧至清鐘入

暮空

神韻都似右丞

清明前一日有感

故人多物故明日又清明何處無風雨天涯隔死  
生青楓頻入夢黃土不埋名坐惜飛花晚悽然感

舊情

初冬同章四巖旃

鑣夜坐滄雲山房

玉宇露銀漢宵長獨捲簾天威霜草肅月今夜蟲  
嚴禪向忘機悟詩從漫興拈生平疎懶處痼疾不  
須砭

讀漂母傳

一飯能輕與斯風便足尊偶然憐餓客不必識王  
孫舉世還相薄何人可共論從來真國士不屑受人  
恩



笑盡薄俗一  
結更見骨性

十六夜對月懷茅六商隱劉三鳳岡董九兼  
才沈四西村朱五湘雨

把酒仍孤坐提壺復短歌。故交星散盡。今夕月還多。  
野雀穿叢篠。流螢逗薜蘿。清光無近遠。悵望更如何。

春晚同陳丈少亭泛舟南湖

佳日歸山好。南湖遠世囂。烟濃春醉柳。風善夜甦  
苗。魚白搖雙槳。鵝黃戀一瓢。饒他巖壑夢。盡付特

牛腰

秋草和莫雲字

奇

四野蕭森最愴神。六朝佳麗已成塵。漫傳遊冶嘶  
金勒。剩有淒涼臥石麟。抹紫塗黃勞夜夜。栖紅薦  
綠憶春春。不堪一望平原遠。斷續車痕半未勻。  
蕭蕭瑟瑟暮烟平。獨立蒼苔雨正晴。萬里倍增河  
畔嘆。一年長見道旁情。王孫遠去徒畱跡。青女初  
過忽有聲。相對不須惆悵甚。空山鷓鴣已先鳴。

友人徐春山

說巖

和秋草詩甚佳復邀諸同



人及茶山家叔同作

寂寞荒原徧舊基。但畱寒影亦離離。霜濃霜薄初  
迎節。春日春風已過時。雀隱蜻藏空悵望。蜂咬蝶  
夢兩成痴。鬱金香盡。薜蘿蕪少。采采還勞。贈阿誰。  
玉露溥溥。溼翠柔天涯。何處不驚秋。可能綠遶鴛  
鴦。殿會見青迷鸚鵡洲。是短是長。還帶恨。乍晴乍  
雨。總含愁。渡頭更憶經行處。不及衰楊。挽別舟。  
宋玉含悽。秋正分。却從花底憶羅裙。饒他鸞鏡愁  
邊雪。碾斷羊車夢。裏雲離恨久。銷燕客墓鄉心。遙

傍漢妃墳。西郊一帶寒螿語。十里斜陽細細熏

尚畱生意向階除。落落長依隱者居。入夢應難吟

謝句。化螢猶得照車書。蕙蘭結社真羞死。蕭艾同

陳孰。歎歎回首芳塵。曾幾日。銅駝金谷近何如。

年年披拂。蒲江臯搖落。依然舊縵袍。自昔可曾青

似鬢。只今幸未白于毛。芙蓉別苑蟬聲咽。禾黍秋

原雁影高。獨抱貞心人跡外。任他衆艷逐時飄。

相看如髮。復如絲。憔悴何堪際此時。雨露風霜應

有日。東西南北渺無期。鳥啣不盡情何限。馬踏還



生恨已遲。願化西堂舊時草。根株相守。不傾移。  
江雲乍起。嶺雲過客路。漫漫奈若何。隨意綠時人。  
自少盡情黃處。恨偏多。野蟬佳句。共作秋風客。落葉同。  
爲春夢。婆。寂寂小山招隱好。獨提壺酒。撫霜柯。  
斷腸宿草。又經年。夢醒榮枯兩惘然。幾處淡黃深。  
帶雨一叢寒。碧盡成烟。先凋已覺悲蒲柳。俱化真。  
須惜蕙荃。最憶舊遊歌舞地。酒痕馬跡。重畱連時友

人婁元豹趙昂  
甲相繼下世

沈生榭作秋草詩。索我再詠。依韻和之。

古來勳業。但斜陽不獨。王孫客斷腸。誰使烟塵消。  
歲月可憐。天地有風霜。請看幾處眠黃犢。猶說多。  
情點白。羊一夜淒迷。休躑躅。近時耕種。及沙場。

西樓極目。悵遙空。冷逼新秋暮。靄濃碧水遠。連懷  
舊雨。落花斜倚憶東風。鹿來我亦悲吳苑。鷓鴣去人  
誰弔。楚宮獨望。自然堪下淚。不勞重惹夕陽紅。

璞巖秋草詩多至四十首。托物喻情。  
極比興之致。惜集隘不能盡登耳。

晚望有懷家蔬莊兄

作客涼偏早。憑樓愜遠情。螺峰晴翠迥。雁路夕陽



明遠信驚時序私憂感弟兄殷勤問梧葉何事又秋聲

舟次南湖

古寺石橋西村村亂午雞苔暮寫入微深漁艇滑樹近酒帘低一水獨來會四山相向齊何時營小隱于此得幽栖

曉行

帶夢初驚起漫漫夜未央未經人道薄霜先岸白微月過河黃蟹舍分漁火茅廬出豆漿明年今夕裏高枕數

行藏

月下望南山

萬籟出清夜一林生早秋偶乘明月去多為南山留蒼翠不可即清光相與流戛然來白鶴終古此悠悠

自然冲淡

題徐鳧村小照

美人家在淮南住手種小山青桂樹金粟晴飄萬斛香月中子落紛無數多君懷抱凌秋烟焚香掃



石寒林邊秦兒玉雪今猶在醉後徵歌還少年生  
平愛讀盧仝傳七椀區區真不羨已覺風生兩腋  
聞何須更握蒲葵扇記來良夜叩君門毛生槐語  
妙噓冬溫復有陳生泉更奇絕揮毫狂叫倒清尊  
只今隔斷清幽境默坐難忘舊遊興棲鳳枝頭壁  
月孤釣魚臺畔金風靜何日相隨招隱歸眼前好  
友相因依願君顏色長如此坐看年年桂子飛

冬曉寄趙四芄若

四圍山競出寒影下窺簾鳥聚殘林雪人團早日

詹鑪頭芋正熟缸面酒初甜相約南村去梅花細  
細占

三江篇爲陸氏作

三江入東海萬壑歸清渠兩峰作砥柱屹立青芙蓉  
藁澍泓聚靈氣中有仁人居一門萃奇節堅貞冰  
柏如所行或不一各不相諮諏成仁及取義合之  
若節符生者非爲智死者亦非愚維昔隆慶朝仁  
風方煦噓干羽息擊壤熙皞追皇虞嗟嗟孝子生  
名尚質乃在山水區至孝自天植質美含璠璵有父



善談菽里塾資範模開館就海溼來往乘輕桴定  
省間晨夕深衷念勤劬一朝遘陽九狂飈駭鷄鵬  
陰雲何慘黯冥冥日欲晡海若不可狎馬銜那可  
駮遠看一葉浮搖漾如風旗刺船奈公何望洋轉  
趨起瞥見波浪喧心骨裂須臾石郎喚倍驕毘嵐  
擊東嶠帆檣極纍卵飄蕩等敗瓠恨不爲庾公一  
慟峽水枯安得游靡援庶幾免淪胥父生我不獨  
父死我當俱攫身赴洪濤躍水隨越巫囂君粹不  
憐寶玦沉珊瑚悲愁泣風伯悽楚號天吳精誠格

帝座天鑿亦孔俞黑風爲之息凌波涉亨途老父  
卒無恙孝子竟爲魚可憐精衛心罹此災切膚乃  
復得佳偶婉婉姬姜姝李家實右姓負郭多膏腴  
依依喚嬌女生小心悅愉端坐在閨闈憐惜猶掌  
珠束髮諳內則顏色勝羅敷夙受陸郎采相訂爲  
葭莩形影會有合性情久已孚兔絲及女蘿根蒂  
當不逾十年猶待字百兩尚未輸忽聞所天亡泪  
落霑羅襦含啼告耶孃我當速歸歟本爲陸家婦  
詎以世俗拘旣爲陸郎妻忍令生死殊渠心乃有



父儂心敢無夫耶孃泣相視欲語還噤嚙阿耶願  
女言兒當念良圖阿母語阿耶兒志豈可渝由來  
誓匪石不用重嗟吁忽忽理裝資家歸青廬秋  
霜映縞袂素練籠香車長跪辭耶孃欲語一字無  
行行就道中觀者填里閭嘖嘖孝子婦兩美真不  
誣阿女入壻門忍淚上壻除斂衽拜家廟低頭認  
翁姑拜起看靈帷羞澁奠清醑悽然涕泪落痛絕  
幾不蘇夙願事裘褐偕老供盤盂何期青松枝先  
我歸黃壚昔時別鄉井此別等秦胡不見陸郎面

空爲陸家孥一死便決絕不如早捐軀姑前抱婦  
哭慎勿長嗚嗚我老翁亦衰兒亡須婦饋婦今慷  
慨死何以慰桑榆婦聞收泪起不學新人趨上堂  
課紡績下堂視庖厨有額眉不黃有髮髻不梳終  
歲無春風不識粉與朱之死在羅幕一身兼拮据  
米鹽何瑣細瓶盎少所儲朝食採綠葵暮食淹黃  
菹時時念良人顏色慘不舒爲郎立享子爲子撫  
孫雛輝輝衰宗寶自不同小儒嶄然露頭角趨蹌  
佩瓊琚猶能問大父清淚盈裙裾更念大母賢處



子終嫠孀辛勤代子職俯仰頻歛歎生平學書劍  
發篋談穰苴方祈孝節頑食報在諸孤幸逢太平  
世不日膺榮膺優游處通德其樂何只且豈知變  
故生雲泉化蝥弧天狗見在戊殷頑煽通衢鬼火  
雜烽燧剽掠紛萑苻搜財并索餉荆棘生村墟獷  
猛黃巾雄昏曉喧騰挈可憐孝子息俯首櫻虜俘  
其子謀拒賊聞之怒睚眦誓申不共仇拔刃震臂  
呼聞者盡咋舌無人敢前爰撩虎獨銳入浴血方  
追逋羣兇各駭遁巨寇旋受誅雪涕解父繫文雉

初離孛崎嶇負之歸兼使鄉里甦老幼共酬賀遠  
近歸于子織者理機杼耕者事苗畝籬頭張網罟  
屋角挂耒鋤縣吏晏然集催辦新年租處處擊土  
鼓釀飲歡大酺至今丈五村誰不話當初我讀貞  
母傳愧彼眉與鬚我哀孝子魂却鄙章縫徒遇常  
尚不可遇變應瞿瞿因之視貞母何止玉與珉走  
也殊鹿鹿材質猶散樗髻年事父母結髮誦詩書  
梓里有奇節何時薦生芻相去百里間寧云道里  
迂雖乏金管紀盛德難備摠曩聞俞丈言

傳爲俞節霞先



示生所前已得董狐事載明史夜有徐使君上向天子臚

贈以黃金額賜以白玉精路旁百尺坊朝夕栖慈

烏。云。三。江。波。言。言。三。江。郭。望。之。不。可。即。贊。嘆。成。

吳。歛。殘。燈。半。明。滅。蕭。瑟。清。夜。徂。獨。看。霜。月。白。高。出。

庭南梧

古直悲涼序述婉摯氣體直追焦仲卿妻一詩

### 雨中曉起

夢中喧萬馬醒後已天明臥聽雨連屋起看雲出  
城。曉。烟。孤。嶼。小。秋。寺。遠。鐘。清。悟。得。無。生。訣。南。華。仔。

### 細評

一路踴躍而入律詩最重有此氣魄

### 憶家兄客西湖

歲歲西湖客春風泪不禁每逢寒食節長憶冷泉

亭乙丑寒食日雨重湖光白山濃日色青舊時尊

酒地燕子說飄零

### 訪沈四西村不值感成

深巷關門便寂然避人不是學逃禪口啣石闕誰  
堪語腹轉車輪劇可憐鄉國十年看化鶴春風一



夜到啼鵲此心無限相思意盡在飛鳥落照邊

懷茶山叔

八月書來雁到遲。秋風吹夢客先知。離愁不上紅橋路。白盡楊花又一時。

雪霽懷韻樓寄莫二雲字兼示沈生

底事空傳訪戴舟。樓在戴家塢玉壺金井昔同遊。天開

霽色寬于海地占。雲峰盡入樓。鴉點點來還噪雪。

雁行行去獨橫秋。良宵最有懷人興。却被梅花十

日留。

題八瓊樓詩集後

詩人不朽壽萬齡。一生手譜花鳥經。天教擅此化

工筆。囚鎖怪異無遺形。醜殘沈謝并騷雅。敲金擊

玉通神靈夢摩居士長不醒。狂歌直欲緣青冥。忽

聞空中喚童鉦。乃是盧仝過我攜。添丁昌黎東野

及長吉。四公遊戲揮鞭打龍鳳。舉手掉雷霆。摩挲

案上詩一卷。道是李白杜甫畱。典型又云陸游已

遠徐渭死。稽山壇坫多飄零。梅塍老子故不俗。自

鳴自和獨立真亭亭。行過萬里讀萬卷。眼光爍破



四天下脚踏五嶽不暫停。布袍草履何卓犖。有誰能識伍喬星。憶當金門獻策日。扶搖一振搏風翎。卽今歸詠遂初賦。熱捫麟篆高步陳芳庭。生前已遇王原叔。頓令佳句昭丹青。鹹酸別具易牙舌。居然嘗鼎薄侯鯖。光芒往往燭銀漢。餘子碌碌同寸莛。回頭語童鈺。汝好吟詠何不貸。此贖馥分餘馨。聞言不覺長跪拜。恍如傅翼凌滄溟。起來執卷萬花下。耳邊百鳥爭丁寧。

頽然天放取裁盧玉川  
乃復彌近六一居士

寒日舍弟至

雙淚盡然落西風。吹汝來身寒誰送火。心亂不禁灰有父埋空館。無人問夜臺。淒淒冬又盡。盼煞紙錢財。

杜使君捐俸爲鈺二親買山營葬發引有期

詩以誌感

忍分廉吏俸。特與寵窮臬。薤露悲無已。靈輻輓不前。春光生馬鬣。德意及牛眠。感激言難盡。長懷郭相賢。



先塋事竣親友因爲太守立石表德附書碑

陰

得藉使君力埋茲二老身懷恩三月草羅拜百年  
人寂寂藤蘿夜墓在蔓蘿山蕭蕭松柏春空山畱片褐

染泪記庚辛

先塋經始于庚午冬日  
至辛未春乃得告成

不用逢人說何勞達者題口碑翁仲在心史子規

啼蒿里烟還黑松門日易迷九原如可作有兆似

關西

華屋

誰家賸華屋一屋成一村。姓雜不可問瑣細如蜂  
屯綠苔滿深徑怪石牛羊蹲雕闌倚庭柱敗壁簾  
爲門起視高堂間署榜字猶存科第列上游事業  
朝廷尊中丞及大府名氏誰能論皤然一老人云  
是舊司闈極言全盛日歌舞迷晨昏明珠粧髻額  
黃金羅酒樽一酒百侍立一飯百雞豚莫歸舟楫  
滿早出車馬喧藹藹衣冠客雜沓如梁園有才無  
不宋有貌無不潘有謳無不青有談無不髡主人  
顧而樂相與笑語温未幾歸山邱構禍及牆垣廻



看游戲輩無怨亦無恩鄉里日以治親戚日以護  
百事不任力如何保養殮只今視舊業恍忽如桃  
源言罷揮老淚一一聲欲吞但見舊巢燕歲歲將  
兒孫

棲惻處乃過秦中傷宅僅作  
華屋山邱之感猶屬賸語

稽山九老圖歌

宋家洛社喧兩間誰其啓之白香山醉吟先生不  
可及張公李公亦人傑千古清風動青史七百餘  
年乃有此會稽山水天下無耆英往往生與俱高

情逸興那可遏風流大半歸江湖已知不常  
有且可歡呼倒紅友蕭散生涯古所難眼青眼白  
誰能剖相逢何用長相揖百年樂事兼晨夕前者  
微吟後者歌幕天席地寧嫌窄鬚眉髯近欲前  
虎頭筆妙秋毫顛傳神一一在阿堵披襟脫帽都  
如仙八十老人子房裔張丈年八十忘機早共先天契  
手持太極圖壽身壽國一身兼精岐黃種杏種桃曾不替  
况有廬山後作朋荷鋤採藥逃三徵董丈作荷南  
山紫芝踏已爛老去學仙稱最能黃精白朮儘堪



食不信晚年圖作佛朱丈坦腹蒲團跌坐在家禪

一串牟尼數來逸我怪朱翁何太奇少年曾賭羸

馬騎只今歸作空門客坦腹喃喃任俗嗤明年已

稱古稀子朱丈年六十九傅叟相看爭一齒傅丈年六十八座上

掄年誰欠旬共道高人沈麟士沈丈年五十九織簾先生

好讀書滿引大白長軒渠沈丈作攜酌來一斗不

足數如此下酒真飲儲其旁復有陳驚座平頭七

十襟懷大橫琴膝上出宮商高山一曲誰能和陳

年七十作撫琴狀更有鍾期洗耳聽松風謾謾四山青拈

髯延佇不能去流水桃花逝不停下座聽琴卯金

亦是彭城族品畫評詩原不俗五斗陶潛解綬歸

卜居愛傍鍾山麓同里朱陳有傅昭金丈與傅丈

亦從吏隱歸逍遙醉中每把花鬚嗅日日飛觴飲

興豪執花飲酒者為傅丈比鄰恰有奇人共花間沈范時迎

送月下風前結伴行聽鶯郊外常開甕問誰濯足

萬里流就中朱叟管葛儔濯足者為朱丈唾壺擊缺歌伏

櫪豪氣直欲凌滄洲五湖烟景歸釣舟范丈作任

公投糖波如邱直鈎垂釣等兒戲紛紛陽鱗將何



求丈夫投契那能必却笑聯吟定須十陳翁居次  
沈翁後屈指張公推第一記來昨歲華筵張介眉  
六十進霞觴狂生兩醉錦瑟旁金翁董翁兩相當  
金丈董丈皆六十一歲范叟行年詎云少丙寅嶽降新林禱  
六十三范丈年癸亥還生濯足翁朱丈年一時風雅關同  
調性之所樂隨所從斷金蘭臭將無同人生行樂  
會有日區區焉必計窮通置身其間真快樂詩酒  
琴書資調謔縱然仙佛兩無成如此溪山良不惡  
爲君壽醉顏酡狂歌大笑千萬日一日須傾百叵

羅鼎鼎歲月何其多有酒不醉奈樂何  
首不襲飲中八仙後不勦畫中九友  
運規矩于宕逸之中允推歌行能手

同月泉又春錢江觀潮

陟失海門山橫江飛匹練風雲互吞吐天地忽中  
變人語亂帆檣斜陽拍沙岍

奇警語故不在多王謔  
菴觀海諸作有此峭勁

春愁

春愁入酒瓢春色正無聊花柳一凋謝江山半寥  
寥宋牆空趙瑟楚雨出秦簫未識淮南水流過第



幾橋

拭粉游紅  
嫣然絕世

寄金雙也 鏤

脉脉懷歸客。蕭蕭歲莫時。春心微雨覺。雪意夕陽知。  
勳業真兒戲。文章奈女奇。夢中偏識路。聊以慰相思。  
前夜夢雙也過齋

送鳳岡遊楚

昨餞牆東老。今觴舍北生。如何多病日。頻送故人  
行。秋入瀟湘雨。天低衡霍晴。遙憐江表路。愁聽夜

猿聲

長夏江邨

長夏江邨路。停橈傍碧潯。鴨喧芳草渡。牛飯綠楊陰。  
採藥思孤往。分秧負素心。年來違俗久。不用滌塵襟。

犬

恐是韓盧種。垂頭久傍人。尚能迎客至。竟不厭家貧。  
花影一籬月。苔衣滿院春。病來書信斷。穩臥得兼旬。



曉行

半月纖纖墮翠微。晴嵐如雨濕征衣。馬頭貪作家  
山夢騎得黃牛緩。緩緩歸。

客夜

歸夢落江湖。頻憎隔樹烏。夜涼燈影小。秋重柝聲  
孤。為我身全拙。依人淚半枯。明朝攬青鏡。白到鬢  
邊無。

謝姚二嵐坡贈筆

墨。雞距不須論。風月難消筆塚魂。閣向竹翹無

用處好。憑螺贏長兒孫。

題王古艸先生梅花塚集後

年年滯跡野人家。辜負絲竿拂釣槎。一夜青燈三  
尺雪。春風吹夢上梅花。

偶然語佳處正  
非思議所及

深竹軒晚坐懷王芝亭先生

結茆深竹裏。愛絕此庭幽。雨止鳥聲夕。月生人影  
秋。關山勞塞雁。今古判沙鷗。寂寂聞清嘯。高風憶  
子猷。



幽峭

同沈於竹魯堂昆季飲少亭陳丈草堂

偶然逃世網豈曰絕塵緣僻地結茆屋常時通釣  
船酒腸逢月大詩骨入秋堅薄醉邀漁父高歌相

對眠

春行寄初庵

遲日花初霽盤迴水石間野流無定澗春樹少全  
山多病惟藏藥逃禪且閉關何當慰知己風雨夢

魂閒

題越中三子詩集後

辛酉年余與弟蘋洲在潯州獲交諸暨陳十四月

泉月泉越諸生也而游學於粵平生尤工詩以奇

麗刻削為宗因相與愛慕游處數月結讜如兄弟

其後余歸湘復之潯而月泉已適崇善猶書札相

報過此不復相聞矣丁卯余游錢塘不及渡西興

訪月泉然每逢越人問月泉皆無知者意常不自

釋去歲余在山西而童君璞巖自江西寄余兄弟

以越中三子詩一為劉君鳳岡一即童君也而月



泉在其中焉集中存與余兄弟倡和及其見懷之  
篇甫歸見而驚喜乃知月泉亦自丁卯如京師倦  
遊而歸爲不得志于場屋者獨其能篤好于詩稱  
其交游以傳於時而不忘疇昔惓惓之誼尤爲可  
感也童君貽余書數百言欲因月泉以交於余且  
屬余爲序余愧不及答而童君亦未獲相見又無  
以轉達於月泉來郴將一年益相距數千里外古  
所稱文章有神交有道者雖聞聲相思他日相視  
而笑者有之若以遠別十餘年之至交甫得一消

息而終念後會之難期此所爲喜而繼之以悲者  
也然余因童君以悉月泉而實因月泉以得童君  
而并得劉君則余之所得于月泉者可不謂厚幸  
也與二君詩各已成家初不假余文以傳而月泉  
詩則前常爲之序其文不足存故獨道其時離合  
之迹以題其後如此余弟在湘潭聞而三歎曰是  
可作寄月泉書并可以序三子詩矣三子集名梅  
芝館者劉君名抱影廬者童君名丹棘園者月泉  
也時丙子十二月朔日張九鐔書于郴州學舍之



聞鴈齋

越中三子詩後序

甲維乙友歌存風土之壇玉並金編謠發藏書之  
匱大越者固詩苑之權輿詞人之淵藪也顧漢分  
東尉嚴朱未醞仙爐楚併無疆屈宋莫窺天鏡賀  
齊撾鼓續韻無酬陸氏銘鐘奧詞寡偶惟康樂春  
塘夢草櫟潭始刻聯吟永和曲水聽鶯蘭渚乃哀  
總集下迨雄飛綺合長史清新幕僚顯秦望之奇  
德士擅清江之勝莊鄰快閣賀季真先號放翁宅  
近寒山秦隱君亦名處士乃至樵溪著稿菊磻畱



篇綴瓊臺于凍萼之厓拾敗楮于櫻桃之館雄隨  
命帥從無土斷之分鑣逸任推仙向乏比鄰之接  
踵以是知若邪釀秀多多之更倡原難譙峴舒華  
耿耿之孤標差易也乃如樽前疊韻互作墳笈花  
底千言恰逢瑜亮築騷壇于玉室彩毫旣擅文臺  
輝詞旆于瑤星雪椀正宜鼎足管寧木榻合邠華  
而共目猶龍杜甫花溪掩庾徐而首推吐鳳至其  
情披高朗思入微茫味似淡而實腴意取深而彌  
曲斲輪應手漉粕無庸學射懸斨剡蓬自妙總或

郵亭百里鄉畫沙潭古治千巖村岐梅塢衡門獨  
飲非無蕭瑟之懷孤客登樓時有飄零之賦要之  
擬膠喻漆比菊方蘭晚絳闕而共豪吞滄江而不  
帶是則燦侔珠樹卓似鼇峰固將視往昔爲韋先  
許今茲以薪積誰謂毛錐飛騁未煬燦帝之烈光  
芒絮借拈不續海君之遺霸也哉僕也學步方酣  
拍肩滋愧感聽經于伯姊詎譁盤上之檳榔欣同  
硯于印須亦和庭中之桂樹金庭石傘屢伏龍彫  
硯井書巢敢誇虎繡念礫淘之須後驚珠貫之在



前就與鉄金先完棗刻聊釜防之作鎮魏毫悉萃  
于三康品雪月以分題驥尾終慙于四傑乾隆癸  
酉仲夏月也謝彭拜撰





